



---

**Pisuussutinik  
uumassusilinnik aqutsineq  
nalunaarsuinerlu:**

---

**Atuisunut ilitsersuusiaq**

---



KALAALLISUT / GRØNLANDSK

Piniakkanik Sumiiffinni Nalunaarsuineq  
Namminersorlutik Oqartussat  
Januar 2014



---

*Kalaallit Nunaanni Namminersorlutik Oqartussat najukkami Pisuussutinik uumassusilinnik nalunaarsuinermi aqtsinermilu ilitsersuusiaanut tikilluaritsi! Ilitsersuusiaq piniartut, aallaaniat, aalisartut aammalu pinngortitamik avatangiisinillu soqutigisalinnut, Kalaallit Nunaata imartaani nunataanilu, piujuartitsinissaq siunertaralugu pisuussutinik uumassusilinnik atorluaanissap aqunneqarneratalu nukittorsaaviginissaanut suleqataarusuttunut tapertassatut suliaavoq. Neriuppugut, pisuussutinik uumassusilinnik nalunaarsuinermi, tassuunalu allanngoriartornerit qanoq paasineqartarnissaannik ilitsersuusiaq manna innuttaasunut iluaqtaajumaartoq. Namminersorlutik Oqartussat neriuutigivaat, pisuussutinik uumassusilinnik piujuannartitsilluni qanoq atorluaanerusinnaanissatsinnut, ilitsersuut manna soqutiginnilerseqataajumaartoq.*

---

Piniakkanik sumiiffinni nalunaarsuineq naalisarneqarpoq PISUNA. Piniartut, aalisartut allallu pinngortitamik pisuussutinik nalunaarsuinermi, aqtsinermilu soqutiginnittut, nalunaarsuinerat aqtsinerallu PISUNA-p nukittorsassavaa. Namminersorlutik Oqartussaat nunaqarfii amerlanerusut peqataanissaat kissaatigivaat. Atuisut nalunngisaat aallaavigalugit nunatsinni pisuussutinik uumassusilinnik peqassuseq misiligutaasumik nalunaarsorneqarpoq. Pisuussutinik uumassusilinnik nalunaarsuineq taamaallaat pisanik nalunaarsuinikkut aammalu uumassusilerituut misissuinerisigut pisarpoq. Sumiiffinni pisuussutinik uumassusilinnik nalunnginninnerup pisuussutinik aqtsineq nukittorsassavaa.

PISUNA, Namminersorlutik Oqartussat sinnerlugin, Aalisarnermut, piniarnermut nunalerinermullu pisortaqaqrifimmit ataqtigissaarneqarpoq. Ilitsersuusiamik uuminnga suliarinnipput: Finn Danielsen, Martin Enghoff, PâviâraK Jakobsen, Adam Hansen, Nette Levermann, Peter Løvstrøm, Nuka Møller Lund, Michael K. Poulsen, Martin Schiøtz, Elmer Topp-Jørgensen, Martin R. Nielsen, il.il.

### **Sumiiffinni pisuussutinik kina nalunaarsuisinnaava?**

Najukkami pisuussutinik uumassusilinnik nalunaarsuineq aqutsinerlu nunaqarfinni tamani pinngortitaq pillugu naluaarsuisartoqatigiinnit ingerlanneqartassaaq. nalunaarsuisartoqatigiinni ilaasortat angalaarnerminni, pisuussutit uumassusillit atorneqarnerilu pillugit paasissutissanik katersisassapput. Qaammatit pingasukkaarlugit nalunaarsuisartoqatigiit ataatsimiinnerini paasissutissat eqikkarneqartassapput, oqallisigineqar-lutik misissoqqissaarneqarlutillu, aqutsinikkullu suliniutaasinnaasut oqallisigineqarlutik.

### **Sumiiffinni pisuussutinik nalunaarsuinermit ilisimalikkat qanoq atorneqassappat?**

Paasissutissat, pinngortitaq pillugu nalunaartsuisartoqatigii ilaasortaannit katarsorneqartut, nalunaarsuisartoqatigiinnit taakkunangna isummersorfigineqartassapput. Isummersuutigineqartut skemamilu allattukkat nunaqarfimmi aqutsisunut, kommunimut Namminersorlutilu Oqartussanut ingerlateqqinneqartassapput. Angusarineqartut nunaqarfimmit kommunimut Namminersorlutilu Oqartussanit pisuussutinik uumassusilinnik aqutsinissamik aalajangersaanissanut atorneqartassapput. Paasissutissat ilai nunaqarfimmut, kommunimut imaluunniit Namminersorlilik Oqartussanut pissutsit immikkut maluginiagassat, sukumiinerusumik misissuiffigineqartariaqartut pillugit aamma uparuussisassapput.



---

Sumiiffinni pisuussutinik uumassusilinnik nalunaarsuineq aqutsinerlu tallimanik immikkoortoqarpoq, immikkoortut ataani allassimapput:

---

## **Immikkoortoq 1: Nunaqarfinni tamani pinngortitaq pillugu nalunaarsuisartoqatigiinnik ataqtigiiissaarisumillu toqqaaneq**

Nunaqarfinni tamani nunaqarfimmuit nunaqarfimmilu aqutsisut pinngortitaq pillugu nalunaar-suisartoqatigiinnik toqqaassapput. Ilasortassanik toqqaaneq najukkami piniartut peqatigiiffiat, kommunip inuussutissarsiornermut siunnersuisua/i peqatigalugit ingerlanneqartassaaq. Peqataanermi nammineq piumassuseq pillugu aallaaviuvoq.

### **Pinngortitaq pillugu nalunaarsuisartoqatigiit katitigaanerat**

Nalunaarsuisartoqatigiit 5-12 missaanni inuttaqassapput. Nalunaarsuisartoqatigiinni ilaasortat tassaasinnaapput:

- Nunaqarfimmili ilaqtariinneersut, pisuussutinik uumassusilinnik annertuumik atuusuusut.
- Pisuussutinik uumassusilinnik aqutseqataanissamut soqutiginnittut.
- Nunaqarfimmili piniartut/aallaaniat/aalisartut misilittagartunerit allallu pinngortitamik avatangiisinillu soqutiginnittut ilaattilugit.
- Assigiinngitsunik ukiullit akulerisillugit, utoqqalilersut, inuusuttut utoqqaallu.

### **Pinngortitaq pillugu nalunaarsuisartoqatigiit akisussaaffii**

Pinngortitaq pillugu nalunaarsuisartoqatigiinni ilaasortat akisussaaffigivaat:

- Pisuussutit uumassusillit sorliit malittarianiarlugit aalajangersaaneq.
- Ukioq kaajallallugu minnerpaamik qaammatikkaartumik pisuussutinik uumassusilinnik piniarnermit//aalisarnermit/pinngortitamiinnermit piniarnerup aallartinneraniit pisarineqartut pillugit paasissutissanik katersuineq
- Minnerpaamik qaammatit pingasukkaarlugit paasissutissanik oqallisiginninneq, misissueqqis-saartarneq taakkualu qanoq paasineqarnissai,
- Najukkami piniarnermi, aalisarnikkullu tunngavilersukkanik iliuuserineqarsinnaasunik nunaqarfimmili aqutsisunut kommunimullu siunnersuineq siunnersuusiornerlu,
- Pisariaqartillugu immikkut ittumik nalunaarsuisoqarnissaanik kisitsisoqarnissaanillu aaqqissuussisarneq,
- Piniartunik, aalisartunik aallaanianik aammalu pinngortitamik avatangiisinillu soqutigisalinnik allanik ukiumut ataasiarluni ataatsimiisitsisarneq, nunaqarfimmili pisuussutinik uumassusilinnik nalunaarsuinermi angusarineqartut nalunaarsorneqarlutik aqutsinerlu pillugit oqallisiginnerneq.
- Nunaqarfimmili pisuussutinik uumassusilinnik nalunaarsuinermi aqutsinermilu siunnersuisoqatigiit ilaasortaannit ataqtigiiissaarisussamik toqqaaneq.

### **Pinngortitaq pillugu nalunaarsuisartoqatigiinni ataqtigiiissaarisooq**

Pinngortitaq pillugu nalunaarsuisartoqatigiit ataqtigiiissaarisuata nunaqarfimmipiisuus-sutit uumassusilinnik nalunaarsuineq aqutsinerlu ataqtigiiissaarneqarnissaat isumagisassaraa. Ataqatigiissaarisup akisussaaffigai:

- Pinngortitaq pillugu nalunaarsuisartoqatigiinnik qaammatit pingasukkaarlugit ataatsimiisitsisarneq. ataatsimiinnermi tamatumani nunaqarfimmili/ pisuussutinik

uumassusilinnik nalunaarsuinermi paasissutissat ilaasortanit pissarsiarineqartut eqikkarlugit isumaqatigiissutigalugit skemamut allattorneqartassapput takuuk annex 5 aamma 6, paasissutissat qanoq paasineqarnissaat oqallisigineqartassapput misissoqqissaarneqarlutik/qanoq paasineqarnissaat isummersorfigalugu (immaqalu inerniliilluni). Aqutsinissamullu siunnersuutit oqallisigalugit.

- Paasissutissat immersorsimasut aqutsinissamullu siunnersuutaasinhaasut assilinerinik pinngortitaq pillugu siunnersuisoqatigiit ataatsimiinneri tamaasa kommunimut Namminersorlutik Oqartussanullu nassiussisarneq.
- Aqutsinissamut siunnersuutit nunaqarfimmi aqutsisunut saqqummiullugit pisortanilu suliareqqinnejarnissaannut ingerlateqqinnejarnissaannut peqataallutik.
- Pinngortitaq pillugu nalunaarsuisartoqatigiinni ilaasortanut ataatsimiinnissani tamani pisuussutit uumassusillit pillugit paasissutissanik katersuisarnissaannik kaammattuineq.
- Piniartunik, aalisartunik aallaanianik allanillu pinngortitamik avatangiisinillu soqutiginnittunik nunaqarfimmi/ ukiumoortumik ataasiarluni ataatsimiisitsinissamik aaqqissuussinermi aqutsineq, tamatumani nunaqarfimmi pisuussutinik uumassusilinnik nalunaarsuinerit aqutsinermilu angusarineqartut oqallisigineqarlutik.

Pinngortitaq pillugu nalunaarsuisartoqatigiit ataatsimiinnerinut tamanut atatillugu ataqtigiis-saarisper isumagissavai:

- Piffissaalluartillugu, ilaasortat tamarmik peqataanissaat qulakkeerniarlugu ataatsimiinnissaq pillugu, isumaqatigiissuteqarfigisassavai. Eqqaamallugu najukkami kommunimi inussutissarsiornermi siunnersortip ataatsimiinnermut qaaqquneqarnissaat.
- Qulequttat oqallisigineqartariaqartut ataatsimiinnermi qaquinnejarnissai isumagalugit (takuuk pinngortitaq pillugu nalunaarsuisartoqatigiit ataatsimiittarnissai pillugit immikkoortut tallimaat).
- Ataatsimiinnerit tamaasa immersuiffiit eqikkaanerniillu immersukkat pinngortitaq pillugu nalunaarsuisartoqatigiit mappiannut inaalittassavai. Mappi taanna nunaqarfimmi aqutsisut allaffianniittuaannassaaq.

Ataqatigiissaarisup pinngortitaq pillugu nalunaarsuisartoqatigiit ataatsimiinnerani siullermi isumagissavai:

- Pinngortitaq pillugu nalunaarsuisartoqatigiit nunaqarfimmi uumasut sorliit nakkutigerusunneraat periarfissaasinnaasunillu toqqaasinnissaat.
- Pisuussutinik uumassusilinnik nalunaarsuiffiusuni piniartarfiit, aalisartarfiit pinngortitamilu avatangiisit ataasiakkhaarlugit qanoq atsersorneqassanersut killeqarfilersorneqarnissaalu siunnersuisoqatigiinni ilaasortanit isumaqatigiissutigineqarnissaat.

## **Immikkoortoq 2: Piniariareernermit, aalisariareernermeri illu nalunaarsuiffimmuit immersuisarneq**

Piniariernermeri/aalisariernermeri/pinngortitamiiinnermeri aallarnermeri ukioq naallugu qaammatit tamaasa Pinngortitaq pillugu nalunaarsuisartoqatigiinni ilaasortat suliassaat:

- Uumasunik sunnerneqarsimanerinillu alaatsinaattassapput ullorsiutinullu allattusisarlutik (Immersuiffissaq 3)
- Pisanik nalunaarsuillutik ullorsiutinullu allattusisarlutik (Immersuiffissaq 4)

Akulikitsumik taamaaliortarnermi paasissutissat amerlanerpaat pigineqalissapput. Minnerpaamik qaammatip aallartinnerani piniariarnermi, aalisarinarnermi siullermiit ukioq kaajallallugu.

### **Immikkoortoq 3: Pinngortitaq pillugu nalunaarsuisartoqatigiit qaammatit pingasukkaarlugit ataatsimiinneranni paasissutissat takusartakkallu oqallisigalugit immersunneqartassapput**

Nunaqarfimmi pinngortitaq pillugu nalunaarsuisartoqatigiit qaammatit pingasukkaar-lugit ataatsimiittassapput. Ataatsimiinnermi tamatumani nunaqarfimmi pisuussutinik uumas-susilinnik nalunaarsukkat paasissutissat pissarsiarineqartut ilaasortanit oqallisigineqarlutik misisoqqissaarne-qarlutillu/paasissutissallu qanoq paasineqarnissaat oqallisigalu, aqutsinissamullu siunnersuutigi-neqartut oqallisigalugit. Paasissutissat nalunaarsuinermiit aallaaveqassapput. Tamakku qaammatit pingasukkaartumi ataatsimiinnermi immersugassamut immersunneqartassapput. Ataatsimiinneq naammassippat pinngortitaq pillugu nalunaarsuisartoqatigiit ataqtigissaarisuat paasissutissat immersukkat aqutsinikkullu suliniutaasinnaasut assingi kommunimut Namminersorlutik Oqartussanullu nassiuttassavai. Takuuk immikkoortoq, paasissutissat allat.



## **Immikkoortoq 4: Nunaqarfimmi aqutsisunut kommunimullu aqutsinissamik siunnersuusiorneq**

Pinngortitaq pillugu nalunaarsuisartoqatigiit aqutsinissamik siunnersuusiaannik taakkununngalu tunngasut paassisutissat nunaqarfimmi aqutsisunut kommunimullu saqqummiineq. Nunaqarfimmi aqutsisunut kommunimullu, qanoq iliortoqarnissaanik, kina aamma qaqugukkut taamaaliortoqarnissaal pillugu aalajangiiffigassananik siunner-suuteqarneq. Siunnersuutit nunaqar-fiup aqutsiunit akuerisaasut kommunimut ingerlateqqinnejarnissaat isugamigineqassapput. Siunnersuutit ilumut kommunimut apuussimanersut paasiniarneqartassapput.

## **Immikkoortoq 5: Nunaqarfimmi ukiumoortumik ataatsimeeqati-giinnermi angusarineqartunik oqallisiginninneq**

Pinngortitaq pillugu nalunaarsuisartoqatigiit ukiumut ataasiarlutik piniartunik, aalisartunik, aallaanianik allanillu pinngortitamik avatangiisinillu soqtiginnittunik nunaqarfimmi ataatsimiisitsisassapput, pinngortitaq pillugu nalunaarsuisartoqatigiit pisuussutinik uumassusilinnik nalunaarsugaannik aqutsinerannillu angusarineqartut oqallisigalugit, aqutsinikkullu iliuuserineqartut ingerlanneqarneri sunniutaalu eqqartorlugit. Takuuk immikkoortut arfineq aappaat nunaqarfimmi ataatsimeeqatigitarnerit.



---

## **Immikkoortut**

---

- Immikkoortoq 1. Sooq pisuussutit uumassusillit nalunaarsorneqassappat?
- Immikkoortoq 2. Sumiiffinni nalunaarsuineq aqutsinerlu sunaava?
- Immikkoortoq 3. Nalunaarsuinermi periutsit
- Immikkoortoq 4. Pisanik nalunaarsuinermi periutsit
- Immikkoortoq 5. Nalunaarsuisut ataatsimiittarneri
- Immikkoortoq 6. Nalunaarsukkanik immersuineq immersuinermilu ilitsersuutit
- Immikkoortoq 7. Angalaarnermi paasissutissanik katersaniit angusanut. Paasissutissanik aaqqissuussineq, naatsorsuinerit aamma nassuaasersorneqarneri
- Immikkoortoq 8. Nunaqarfimmuniik ataatsimiisitsineq.
- Immikkoortoq 9. Paasissutissaatinik paarsineq.

## **Immikkoortoq 1. Sooq pisuussutit uumassusillit nalunaarsorneqassappat?**

---

Najukkami nalunaarsuineq Inatsisartut kissaatigaat. Paasissutissanik katersat imaluunniit nalunaarsukkat ingerlateqqinnejartarnissaat pingaaruteqarput. Pisuussutit uumassusillit atorluarneqarnissaannut nalimmassaaniarnermi iluaqutaasinnaammata, taamaalilluni atorluaaneq annertuningorlugu.

**Apeqqutit sumiiffinni nalunaarsuinerup akissutissarsineqarsinnaasut.** Sumiiffinni pisuussutinik uumassusilinnik nalunaarsuisarneq, pinngortitalerinermeri, aqutsinikkullu apeqqutigineqarsinnaasunut, akissutissarsiffiusinnaavoq.

Pinngortitalerinermeri apeqqutaasinnaasut, assersuutigalugu:

1. Uumasut amerliartussappat imaluunniit ikiliartussappat?
2. Aalisakkat pisarineqartartut alliartussappat imaluunniit milliartussappat?
3. Uumasut takkuttarnerat pisarnermiit kingusinnerulissava imaluunniit siusinnerussappat?

Apeqqutit aqutsinermut tunngasinnaasut, assersuutigalugu:

1. Aqutsinerup nalimmassaaviginissaa pisariaqarpa?
2. Pisuussutinik imminut nammassinnaasumik atuineq nunaqarfinnut iluaqutaanerulissava?
3. Uumasunik killilersuineq peqassutsimut kissaatigisatuut sunniuteqarpa?

Allatut oqaatigalugu, nalunaarsuisarnikkut takuneqarsinnaavoq, nanaluaarsuvigineqartut imminut nammassinnaasumik atorluaanissamik siuarsaanissaq eqqarsaatigalugu iluaqutaanersut. Pisuussutit pigeriikkatta piujuannartitsinermeri annertunerpaamik atorluarnissaat, nalunaarsuinikkut qulakkeerneqarsinnaavoq.

**Ullumikkut pisuussutinik nalunaarsuisarneq.** Kalaallit Nunaata pisuussutaanik uumassusilinnik nalunaarsuineq ullumikkut annerusutigut pisanik nalunaarsuinermeri katersivimmut Piniarnermut nalunaaruteqarnikkut, ilisimatusarnikkullu misissuisarnernit pisarpooq. Misilitakkat ersersippaat, kalaallit piniartut, aallaaniat aalisartullu akornanni pisuussutinik uumassusilinnik aqutsineq pillugu annertuumik ilisimasaqartoqartoq.



## **Immikkoortoq 2. Najukkami Pisuussutinik uumassulinnik nalunaarsuineq aqutsinerlu sunaava?**

---

**Siunertaa.** Najukkami pisuussutinik nalunaarsuinermit nunaqarfimmi kommunimi aamma Namminersorlutik Oqartussani aalajangiisartunut pisuussutit uumassusillit pillugit taakkualu atorluarneqarnissaannut akuttunngitsumik paasissutissanik katersisarnermi ilisimalikkat taakkualu qanoq paasineqartarnissaannut ikuutaasinnaapput. Qitiusoq tassa pisuussutit uumassusillit *allannguutaasa* taakkualu qanoq atorneqarnerisa sapinggisamik siusissukkut *paasineqartarnissaat* - pisuussutinik uumassusilinnik aqutsinissamik *aalajangiinerni tunaartassatut*.

Tamatuma saniatigut najukkami pisuussutinik nalunaarsuineq pisuussutinik uumassusilinnik innuttaasut atuisut pisuussutinik aqutsinermut akulerusimatinneqarnerannut siuarsaaqataasinnaavoq. Najukkami pisuussutinik nalunaarsuineq:

1. Pisuussutit uumassusillit pillugit innuttaasut ilisimasaasa uppernarsinissaannut nukittorsaataasinnaavoq
2. Pisuussutit uumassusillit allannguutaannik innuttaasunik oqallitsitsinermut, misissueqqissaarnernut taakkulu qanoq paasineqartarnissaannut siuarsataasinnaavoq
3. Innuttaasut ilisimasaannik kommuninut Namminersorlutilu Oqartussanut ammaassisinnaavoq
4. Nunaqarfiit nammineq aqutsinissaannut pisassiisarnissanullu sunniuteqaqataanisaannut periarfissaqarnerulersitsisinnaavoq
5. Nunaqarfiit Namminersorlutilu Oqartussat akornanni paasissutissatigut oqallittarfimmik pilersitsisinnaavoq
6. Nalunaarsuinermit allannguutit paasineqarneriniit aqutsinikkullu iliuuseqarnissamut piffissaq sivikinnerulersinnaavoq

**Periutsit.** Periutsit marluk nunaqarfinni tamani atorneqarput:

1. Nalunaarsuinermi periusaasartoq.
2. Pisanik nalunaarsuinermi periusaasartoq.

Periutsit taakkua marluk qulequttani tulliuttuni sukumiinerusumik allaaserineqarput.

### **Immikkoortoq 3. Nalunaarsuinermi periutsit**

---

Periaaseq siulleq tassaavoq nalunaarsuisarnermi periuserineqartoq. Piniarnermi, aalisarnermi pinngortitamiinnermilu uumasut sunnerneqarnerinik alaatsinaassat pingaaruteqarput. Alaatsinaannernit paasisat assersuutigalugu pinngortitami pisuussutit pillugit siunnersuisoqatigiit avatangiisimi uumasut amerleriarsimanersut ikileriarsimanersulluunniit pillugit, paasiniaaneranni ikuutaasinnaapput. Alaatsinaariaatsit marluupput.

1. Sunniutinit alaatsinaassat (soorlu kilisaatit raajarniutaasinnaapput, uuliamut aniasoornerusinnaapput).
2. Uumasunit alaatsinaassat.



Alaatsinnaannerit, nunaqarfimmi isumaqatigiissutit malillugit uumassusillit suut aamma sunniutit, ingerlanneqassapput. Alaatsinaatat, ulloq suna aamma amerlassusii, sumiiffii aammalu paasissutissanut iluaqutaasinnaasut, ullorsiutinut allattorneqartassapput.

Alaatsinaatanut tunngasut paasissutissat ullorsiutinut allattorneqartassapput, kingusinnerusukkut qaammatit pingasukkaarlugit immersugassamut immersuinermi paasissutissatut atorneqarumaarmata.

**NALUNAARSUINERIT KIA NALUNAARSORTASSAVAI.** Nunaqarfimmi pinngortitami pisuussutit pillugit nalunaarsuisartoqatigiinni ilaasortat, nalunaarsuisartoqatigiit uumasut nakkutigalugit malinnaavigisassatut isumaqatigiissutigisaat, sunniutit uumasullu alaatsinaassatik nalunaarsortassavaat.

**NALUNAARSUINERIT QANOQ INNIKKUT NALUNAARSORNEQARTASSAPPAT.** Sunniutinik uumasunillu nalunaarsuinermiit nalunaarsuinert minnerpaamik piniarluni/aalisarluni aallarnermi siullermiit qaammatit tamaasa nalunaarsuisoqartassaaq.

**SULIAQ QANOQ AKISSAASERSORNEQARPA.** Suleqataasut nunaqarfimmumt pingaarutilimmik suliaqarput. Suleqataaneq nammineq kajumissuseq naapertorlugu ingerlavooq.

**INNERSUUT.** Immikkut ittunik alaatsinaassaqarsimaguit, allanut takutikkusutannik, assiliiveqarlutillu, taava uppernarsaatissatut taakku assilikkit.

## **Immikkoortoq 4. Pisanik nalunaarsuisarnermi periuseq**

---

Periutsip aappaa tassa pisanik nalunaarsuisarnermi periuseq. Pisanik nalunaarsuisarneq assersuutigalugu pinngortitami pisuussutit pillugit nalunaarsuisartoqatigiit avatangiisimi uumasut / aalisakkat pisarineqartartut amerleriarsimanersut ikileriarsimanersulluunniit pillugit, paasiniaaneranni ikuutaasinnaapput.

Isumaqtigatigiissutit malillugit aalisakkat, uumasut timmissallu pisarineqartut tamarmik nalunaarsorneqartassapput. Ullorsiutini, pisarineqartut ullumi pineqartumi, allattorneqartassap-put. Sumi pisaqarfik, piniutit atorneqartut, pisarineqartullu amerlassusii, kiilullu allanneqartassap-put. Periarfissaqarpallu, piffissaq qanoq sivitigisoq atorneqartoq, piniutillu suut atorneqartut, allanneqartassapput. Pingaaruteqartut, soorlu angissutsinut tunngasut, utoqqaassutsinut tunngasut, qanoq ittuunerri aammalu nikikkiartuaarneri allanneqarsinnaapput.

Pisaqarsimanermi nalunaarsukkat kingusinnerusukkut qaammatit pingasukkaartumi, skemamik immersuinermi paassisutissatut atorneqassapput.

**KINA PISAT PILLUGIT NALUNAARSUISASSAVA.** Pinngortitami pisuussutit pillugit nalunaarsuisar-toqatigiinni ilaasortat pisat pillugit paassisutissanik nalunaarsuisassapput.

**PISAT PILLUGIT QANOQ INNIKKUT NALUNAARSUISOQARTASSAVA.** Minnerpaamik qaammatit aallartinnerisa tamaasa aallarnermi siullermi pisanik nalunaarsuiqartassaaq.

**SULIAQ QANOQ AKISSAASERSORNEQARPA.** Suleqataasut nunaqarfimmum pingaarutilimmik suliaqarput. Suleqataaneq nammineq kajumissuseq naapertorlugu ingerlavooq.



## **Immikkoortoq 5. Pinngortitaq pillugu Nalunaarsuisartoqatigiit Ataatsimiittarneri pillugit immikkoortoq**

---

Nunaqarfimmi pinngortitaq pillugu nalunaarsuisartoqatigiit qaammatit pingasukkaar-lugit ataatsimiittassapput. Pinngortitaq pillugu nalunaarsuisartoqatigiinni ataatsimiittarnerit pingaaruteqarput, ataatsimiinnernimi taakkunani nalunaarsuinermiit ullorsiutini nalunaarsukkat eqikkarneqartarmata, taamaalillutik qaammatini pingasukkaartuni paasissutissat atorneqarsinnaallutik. Ataatsimoorluni paasissutissanik nassuaassuteqarnermi atorneqartussat. Paasissutissallu allanut ingerlateqqinnissaannut paasinartunngorlugit suliarineqarlutik.

### **PINNGORTITAQ PILLUGU NALUNAARSUISARTOQATIGIIT ATAATSIMIINNISSAASA PIAREERSARNERAT.**

1. Pinngortitaq pillugu nalunaarsuisartoqatigiinni ataqtigiissaarisooq ataatsimiinnissamut akisussaasuuvoq.
2. Ataatsimiinnissap siunertaa pillugu tamanut paasissutissiinissaq isumagalugu. Nunaqarfimmi uumasut suut sunniutillu, pinngortitaq pillugu nalunaarsuisartoqatigiinni malinnaaviginiarlugit isumaqatigiissutaasut, oqallisigineqartarnissaat siunertaavoq. Aammattaaq qaammatit pingasut kingulliit pinngortitaq pillugu nalunaarsuisartoqatigiinni ilaasortaniit piniarnermi, aallaniarnermi, aalisarnermi pinngortitamiinnermilu nalunaarsuinernit pisallu pillugit nalunaarsukkanik eqikkaanissaq siunertaavoq. Kikkut peqataaniarnersut, aamma uumasut sunniutillu nalunaarsugassatut toqqarsimasasi saniatigut, immikkut ittumik ataatsimiinnermi eqqartugassaqarnersoq isumagalugit. Ilasortat tamaarmik ullorsiutinik nassarlutik ataatsimiigiarnissaat qulakkeerneqassaaq.
3. Ataatsimiinnerup qanoq sivisutiginissaa isumaqatigiissutigalugu ataatsimiinneq aallartiguk. Tamannalu pereerpat, oqallisigisassat tulleriaarnissaat isumaqatigiissutigalugu.
4. Nunaqarfimmi pinngortitaq pillugu nalunaarsuisartoqatigiit nalunaarsugassatut isumaqatigiissutigisimasaat, uumasut pineqartut sunniutillu ataasiakkaarlugit oqaluuserisigit. Paasissutissat ilaasortaasunit tamaneersut immersukkamut ilanngunneqartassapput aammalu ilaasortat ullorsiutinut allattugaat paasissutissat tamaasa, immersuinermi atorneqartassapput. Eqikkaanissamut immersuiffissami najoqquassiarineqartut malillugit. (takuuk ilanngussaq 6):
  - pisuussutinik uumassusilinnit nalunaarsuisimanernit peqataasut saqqummiisikkit
  - pisuussutinik uumassusilinnik aalajangersimasunik peqassuseq/angissutsit/ pitsaassusaat/siammasissaallu ukiup siulanut sanilliullugit oqallisigisigit isumaqatigiissutigalugillu.
  - pisuussutinik atueriaaseq oqallisigisiuk
  - pisuussutit sunnerneqarnermikkut allannguutaat oqallisigisigit
  - allanggoriartornerit malunnaateqarnersut pingaaruteqannginnersulluunniit oqallisigisit
  - allanguinissanut pingaarutilinnut peqqutaasinnaasut oqallisigisigit

- ajornartorsiutit aaqqiissutaasinjaasullu aqtsivigisassatullu periarfissaasinjaasut oqallisigisigit
5. Pisuussutinik nalunaarsugassatut toqcarneqartut isumaqatigiis-sutaasut ataasiak-kaarlugit sunniutaasullu taamatut ataatsimiinnermi ingerlanneqartas-sapput. Eqqaamallugu uumasoqatigil/sunniutaasut ataasiakkaarlugit ataatsimiinnerit tamaasa ingerlanneqartassapput aammaluunniit nalunaarsuilluartoqarsimanngikkaluarpualluunniit.
  6. Pissutsit allat attuumassuteqarsinnaasut, peqataasut pingaartillugit isigniagaat oqallisigisigt.
  7. Ataatsimeeqataasut peqatigalugit ataatsimiinneq naliliivigisiuk. Tullissaanut arlaannik pitsangorsagassaqarpa?
  8. Ataatsimiinnissap tullissaanut piffissaq pilersaarusroruk. Ataatsimiinneq naggaseruk.

#### **INNERSUUT**

1. Oqallinnerup attaveqaqatigiilluni ingerlannissa isumannaaruk. Pinngortitaq pillugu nalunaarsuisartoqatigiinni ilaasortat tamarmik oqallinnerni peqataasariaqarput. Inerititaqarfiusumik sulinissaq tusarnaartarnissarlu salliutillugit.
2. Pissutsit allatut qiviartarnissaat ammafigisiuk. Siumungaaq inernilfersuineq pinaveersaarlugu. Ilaasortat suleqatigiillutik namminneq oqallisigineqartut pillugit inerniliisassapput.
3. Erseqqissunik nalunaarutiginnittarnissarsi ernummatigisassanngilarsi. Paasisat tamarmik pingaaruteqarput – aamma uumasut ilaanni allannguutit malunnanngikkaluit pisuussutilluunniit sunnerneqarneri pillugit.



## **PINNGORTITAQ PILLUGU NALUNAARSUISARTOQATIGIITNNI QULEQUTTAT EQQARTORNEQARSINNAASUT**

Ukioq kingulleq ukiup taamaalinerani assersuutigalugu...

- Piffissami tamatumani arlaatigut allanngortoqarsimava uumasut aalajangersimasut/pisuussutit pisariaqartitat pissarsiariniarneri iliuuseqarfinginiarnerilu?
- Aappiuppat, taava piffissaq sivisunerusoq sivikinnerusorluunniit (angalanerit, nal. akunneri, ningittakkat) qassit atorneqartariaqarsimappat?
- Uumasut ilaanni peqassutsikkut allanngortoqarpa, piaqqorfinni, ukiisarfiini aasaanerani najortagaanni (amerlippat/ikilippat, siornatigut/kingusinnerusumi, angineruppat/mikineruppat, orsoqarneruppat/orsukinneruppat, neqaa pitsaaneruva/ajornerua)?
- Suummitaava peqqutaasinnaappat? (sikuunera imaluunnit allat)
- Aqutsinikkut iliuuseqarnissamut periarfissaqarpat suuppaamitaava?
- Ukioq manna uumasut ilai piniagaappat, ukioq kingulleq taamaalinerani piniarneqannngitsut?
- Piniarnermi/alisarnermilu periuserisartakkasi allannguuteqarpat?
- Siorna taamaalineranut naleqqiullugu inuit, piniartartut/aallaaniat/aalisartut amerlaneruppat/ikinneruppat?
- Siorna taamaalineranut naleqqiullugu pisat tuniniarneqartut akii allannguuteqarsimappat?

## **Immikkortoq 6. Immersugassaq katersuiffiusoq aammalu immersorneqarnissaanut ilitsersuut**

---

Immersugassami katersuiffiusumi ungalusat ataasiakkat qanooq immersorneqarnissaannut ilitsersuut naatsunnguaq ataani takuneqarsinnaavoq. Immikkoortumi uani immersugassaq katersuiffiusoq immersorneqanngitsoq ilanngunneqarpoq.

### **Immersugassami katersuiffiusumi, ilitsersuummi allamik allassimasoqartinnagu, immikkoortut tamarmik immersorneqassapput.**

Qulequtaq	Ilitsersuut
Ataqatigiissaarisup aqqa	Nalunaarsuisartoqatigiit ataaqatigiissaarisuata atia allaguk.
Ukioq, qaammatit pingasut pineqartut	Ukioq qaammatillu pingasut suut pineqarnersut allanneqassapput.
Nunaqarfik	Nunaqarfieuq aqqa allanneqassaaq.
Uumasoq/ sunniut	Uumasoq sunniulluunniit pineqartoq paassisutissalersorniagaq allanneqassooq. Pappiaqqami ataatsimi sammisat arfinillit immersorneqarsinnaapput. Uumasut sunniutillu sammissallugit toqqarneqarsimasut tamarmik qaammatit pingasuk-kaarlugit sammineqassapput. Allanik pingaaruteqarsorisanik ilanngussaqarusuk-kaanni, toqqartorsimasat sammineqareerneranni ilanngullugit allaaserineqarsin-naapput. Uumasoq sunniulluunniit qaqtigoortuuusinnaavoq, soorlu annertuumik uuliakortoqarnera.
Qaammat	Qaammat pineqartoq allanneqassaaq. Ass. maj. Titarnermut ataatsimut qaammat ataaseq (sammisamut ataatsimut qaammatit pingasut titarnilerneqarsimapput).
Sumiiffik	Sapinnigisamik sumiiffik eqqortumik allanneqassaaq. Ilaatigut GPS-pkisitsisai imaluunniit aalisarfittut aggornerup taaguutaa atorluarneqarsinnaapput. Erseqqinnerusumik taajuminaattut, nunaqarfieuq piniarfianik taajuuserneqarsin-naapput.
Angalaarnerit ataatsimut amerlassusii katillugit	Qaammammi pineqartumi sumiiffimmi aalajangersimasumi ullut angalaarfiusut amerlassusii allanneqassapput. Sumiiffimmi aalajangersimasumi inuit marluk angalaarsimatillugit angalanerit marluttut naatsorsuutigineqassapput.
Takusat amerlassusaat	Angalaarnerit tamanit takusat katinnerat kisitsisinngorlugit allanneqartassapput, uumasoq ataasisuq imal. eqimattat

	ataatsit takoqqeqattaarneri ilangunnagit. Amerlassutsit pillugit oqaaseqaatit immikkoortumi kingusinnerusumiittumi allan-neqarsinnaapput.
Pisarineqartut katillugit	Pineqartumut tunngavissallit allanneqasapput. Soorlu uumasut pisarineqartut ataa-siakkaajusinnaapput imaluunniit aalisakkat kiiunngorlugit. Paassisutissaat soorlu angissutsit, utoqqaassutsit, suaassutsit, qanoq issutsit (soorlu orsoqassusii) pillugit immikkoortumi kingusinnerusumiittumi allanneqarsinnaapput.
Piniarnermi aalisarnermi periuseq	Piniarnermi aalisarnermilu periuseq atorneqartoq allanneqassaaq. Angallatigineqartoq sakkullu atorneqartut allanneqasapput (aallaat, ningittakkat, pullatit, qassutit il.il).
Nikikiartornera  Nikinngilaq  Amerlipput Ikilipput Naluara	Immikkoortuni sisamaasuni uani ataani periarfissaasuni ukiumut siulanut sanilliussilluni ataaseq x-silerneqassaaq.  Siornamut sanilliullugu taamaaginnarsimappata tassunga x-siliisoqassaaq.  Siornamut sanilliullugu amerleriarsimappata tassunga x-siliisoqassaaq.  Siornamut sanilliullugu ikileriarsimappata tassunga x-siliisoqassaaq.  Siornamut sanilliullugu nikerarneq maluginiarneqarsimannngippat tassunga x-si-liisoqassaaq.
Amerlassutsinut, piniakkat angissusiinut, kingullermik/siullermik takuneqarfii, il.il pillugit oqaaseqaatit	Tassani itisiliinerusumik oqaaseqaatit allanneqassapput. Amerlassutsinut tunngasut ass. eqimattani annerpaani uumasut amerlassusaat pillugit allanneqarsinnaapput. Uumasut ilaat pillugit nalunaarsuisooqatigiit makku pillugit, suaassutsit, utoqqaas-sutsit, angissutsit assigisaallu, pineqassanersut aalajangersinaavaat.
Nikikiartuaarnerup isuma-risinnaasaa aammalu tas-sunga nassuaataasinnaasut	Nalunaarsuisartooqatigiit allannguut (siornamut sanilliullugu) qanoq isumaqartitsigivaat? Ukiumiit ukiumut nikerarneq nalinginnaasuua imaluunniit annertunerua? Pineqartut killiffii allanngoraangata peqqutaasinnaasunk arlalinnik taakkartuisoqartopoq. Sumiiffimi najugaqartut peqqutaasorisaaq ajungil-luinnarnerusarput. Taakkartukkut ilaatigut misissorluarnerusariaqartarput. Paasisaqarneq annertuneruleraangat, sumiiffimi nunalu tamakkerlugu aqutsinermik nalimmassaasoqarsinnaasarpooq. Immikkut maluginiagassaqanngippat immikkoortoq immersorneqanngiinnarsinnaavoq.
Aqutsinissamut	Sumiiffinni pisuussutit uumasussillit pillugit najugartunit

innersuussut (pappilissamut allamut itisiliisoqarsinnaavoq)	<p>nalunaarsuisarnermi nukiit piffissarlu atussallugit tunngavissaq una pingarnerpaavoq: Taamatut nalunaarsui-neq sumiiffinni nunalu tamakkerlugu aqtsilluarnerunermut saatitsisinnaammat.</p> <p>Piniagassat piffissami piniagaaffiinik, pisassiissutinut (suaasusii utoqqaassusiilu ilanngunneqarsinnaapput), piniarnermi atortut, kikkut sumi qaqugukkut sakkullu suut atorlugit piniarsinnaanerannut / aalisarsinnaanerannullu malittarisassaannik aalajangersaasoqarsinnaavoq. Uumasoqatigiit ikiliartulerpata piniarnermi / aalisar-nermilu inatsisit sukaterneqarsinnaapput. Uumasoqatigiit amerliartuaarpata inatsisit qasuterneqarsinnaallutik. Aammattaaq sunniutini malunnaatilimmik nikertiartoqar-nera siunnersuuteqarnermik kinguneqarsinnaavoq. Nalunaarsuisortaqtigiit aqtsinermut siunnersuutaat aalajangersaasartunut saqqummiunneqassapput. Sumiiffinni nunaqarfimmi aqtsisut aalajangersaasinnaapput, amerlanertigulli siunnersuutit kommune-mut ingerlateqqinneqartarlutik. Kommune nammineq aalajangersaasarpooq ilaatigulli siunnersuutit Namminersorlutik Oqartussanut ingerlateqqinneqartarput. Siunnersuutissaqartoqanngippat immikkoortoq immersorneqanngiinnarneqarsinnaavoq.</p>
Peqataasut	Immersuivimmi immersueqataasut aqqi.
Ataqatigiissaarisup atsior-nera	Nunaqarfimmi ataqatigiissarisup atsiornera (paasissutissat eqqortuuneri upternarsarlugu).



## **Immikkortoq 7. Angalaarnermi paasissutissanik katersaniit angusanut. Paasissutissanik aaqqis-suineq, naatsorsuinerit aamma nassuaasersorneqameri**

---

Nalunaarsuisartoqatigiit qaammatit pingasukkaarlugit naapittarnissaat ataqtigissaarisup isuma-gissavaa. Katersukkanik immersuiffimmi qammatit pingasukkaani takusat immersunneqassapput. Tassani peqassuseq aammalu pisuussutinik uumassusilinnut sunniutit oqallisigissavaat. Tassanis-saaq pisariaqarpat aqtsinermut siunnersuusiorsinnaapput.

Katersanik immersuiviup immersorneqarnissaanut ataani titarerni ilitsersuutit ilanngunneqarneri takuneqarsinnaapput.

### **Paasissutissanik aaqqissuussineq**

Nalunaarsuisartoqatigiit ilaasortai tamarmik, angalaarnermit paasissutissat katersatik ullorsiutinut allattukkat nassarlugit ataatsimiigiartassapput.

Maanna ataatsimoorlutik, qaammatit pingasukkaartumik katersanik immersuivissaq immersor-neqassaaq.

1. Siulleq:
  - Nalunaarsuisortaqtigiit ataqtigissaarisuata atia allanneqassaaq.
  - Ukioq qaammatillu pingasut pineqartut katersanut immersuivimmut allanneqassaaq.
  - Nunaqarfriup aqqa.
2. Nunaqarfimmi malinaavigineqartussat toqqarneqarnikuusut uumasoqatigiit sunniutillu, ka-tersanik immersuivimmut immikkoortumi “Uumasoq/sunniut” nalaanut allanneqassapput. Uumasut/sunniutaasinnaasullu nunaqarfriup eqqaani sumiiffinni aalajangersimasuniittut immikorluinnaq malinnaavigineqarnissaattut toqqakkat pineqarsinnaapput. Taamaatto-qartillugu uumasut/sunniutillu taaguutaat ataasiakkaarlugit sumiiffilorsorlugit allanneqar-tassapput.
3. Uumasoqatigiit ataasiakkaarlugit sammineqassapput, immikkoortunullu allattorneqarlutik, taamaallaat immikkortut pingasut kingulliit allanngitsoorfigineqarsinnaapput.
4. Sumiiffik sapinggisamik eqqornerpaaq allanneqartassaaq. GPS malillugu summiiffiusin-naavoq imaluunniit sumiiffiup ilisarnaataasinnaavoq. Sumiiffittut nunaqarfriup eqqaaniittut piniarniartarfiit uani allanneqassaaq, allamik eqqornerusumik taaneqarsinnaanngippat. Aamma imaluunniit nunaqarfriup eqqaanittut sumiiffiit immap / nunap assinganut titartarneqarsinnaavoq, taannalu nunaqarfriup allaffiani ataqtigissaarisup mappiutanut toqqorneqassaaq

### **Kisitsisilerineq**

5. “Angalaarnerit ataatsimut amerlassusii katillugit”, tassani allanneqasapput qaammammi pineqartumi sumiiffinni aalajangersimasuni angalaarnerit katillugit. Inuit marluk angalaa-qatigiitsillugit angalaarnermik ataatsitut allanneqassaaq. Pitsaalluinnassaaq imaatigut angalaarnermi immami uumasut nalaani

allanneqartarpata, taamatuttaaq nunakkoornermi nunap uumasuisa nalaani. Imaatigut angalaartilluni, tuttunik takusaqarnermi imaluunniit nunamiit arferit takuneqartillugit, tamakku oqaaseqaatini allanneqartassapput. Pingaernerpaajuveq qaammatini pingasukkaani angalaarnerit tamakkiisumik katinnerisa allanneqartarnissaat.

6. “Takusat amerlassusaat”, tassani angalaarnernit tamanit takusat ataasiakkaat suuneri katil-lugit allanneqartassapput. Angalaarnernit tamanit takusat katillugit aallanneqartassapput, taamaallaat paasinarsippat uumasoqatigiit ataatsit arlaleriarlugit takuneqarneri, tamakku ilanngunneqartassanngillat. Amerlassutsinut oqaaseqaatit immikkoortumi allami allanne-qartassapput.
7. “Pisarineqartut katillugit”, tassani uumasut ataasiakkaat/oqimaassusii katillugit, angalaar-nernit tamanit, pisarineqarsimasut katillugit allanneqartassapput. Soorlu makkuusinnaap-put, uumasut pisarineqartut amerlassusii imaluunniit aalisakkat pisarineqartut oqimaassu-sii.
8. “Aalisarnermi piniarnermi periuseq”, assartuutit (soorlu umiatsiaaraq) aamma piniarnermi atortut (soorlu kaliber 222) allanneqartassapput.
9. Immikkoortoq “Nikikkiartuaarneq” immersorneqassaaq. Qaammatini pingasuni pineqartu-mi, uumasut ataasiakkaat, angalaarnerni takusat, ukiup siulianut takusanut sanilliunneqas-sapput. Ataatsimoorlusni nikikkiartuaarneq nalilersigik. Nikikkiartuaarneq kisitsisit kisiisa aallaavigalugit nalinerneqarsinnaavoq. Aamma imaassinnaavoq nalinginnaasumik angalaar-tarfiit allangortinnerisigut nikinneq peqquteqarsinnaasoq, (soorlu sumiiffit tikitat allan-ngorneri, sumiiffit tikitat qanoq sivisitigisumik najorneqarnera, inuit sumiiffinni ataasiak-kaani oqaloqatigineqartut amerlassusii, il.il). Tamakku isumaliutersuutit immikkoortumi tassani allanneqassapput, “soorlu nikikkiartuaarnerup qanoq isumaqarnera aamma nas-suiaatigisinnaasaa.

Soorlu misigisimagussi sumiiffissinni uumasoqatigiit taamaaginnartuusut, tamakku ilanngullugit allanneqassapput.

## Nassuaatit

10. “Oqaaseqaatit makku pillugit, amerlassutsit, angisutsit piniagassanut tunngasut, siullermik/kingul-lermik takuneqarfii, assigisaallu”. Uani immikkoortumi itisiliilluni oqaaseqaateqarsinnaanermut inis-saqarpoq. Oqaaseqaatit, soorlu uumasoqatigiit nalunaarsorneqarsimasut annertunerpaartaanni uumasut qassiuneri. Uumasoqatigiit pillugit nalunaarsuisartoqatigiit namminneq aalajangersinnaa-vaat, taamaallaat suiaassusiisa, utoqqaassusiisa, angissusiisa imaluuniiit assigisaat kisiisa allanne-qartarnissaat. Uumasoqatigiinni allani piniariaaseq, (soorlu oquimmersat qassit ningittakkami atorneqarneri aamma akunnerit qassit ningismaneri) allanneqartarsinnaavoq. Ukiup ingerlane-ranut oqaaseqaatit, (soorlu qilalukkatt qernertat takunneri) aamma tassani allanneqarsinnaapput. Oqaaseqaatissaqartoqanngippat immikkoortoq allaffigineqassanngilaq.
11. “Nikikkiartuaarnerup isumarisinnaasaa aammalu tassunga nassuaataasinnaasut”. Nalunaarsuisar-toqatigiit, allannguutaasinnaasut isumaat annertuumik imaluunniit annikitsumik, isumaqartippaat? Ukiuumut ukiumut nikerarneq nalinginnaasuuua imaluunniit nikikkiartuaarneq annertunerusutut nalinerneqarpaa? Uumasoqatigiit allannguiteqarsimagaangata, assigiinngitsorpassuarnik qanoq pisoqarsimanera

eqqoriarneqartarpooq. Eqqoriaanerit amerlanertigut misissorneqartariaqartarput. Pissutsimmi paasilluartillugit, sumiiffinni nunalu tamakkerlugu aqtsineq naleqqussarluarneqarsin-naammat.

12. "Aqtsinissamut innersuussutit". Sumiiffinni pisuussutinik uumasusilinnik nalunaarsuinermi nukin-nik atuinerup pingaernerpaartarivaa, pisuussutit uumassusillit nalunaarsorneqarnerulerlerisa kingunerisinnnaammagu, sumiiffinni aammalu nuna tamakkerlugu aqtsinermut pitsaanerusumut aqqutissiuussisinnaaneq. Piniagaaffinnut, pisassiarsarnernut (soorlu suaassusiinut, utoqqaassusiinut tunngasut) naleqqussarneqarsinnaammata aamma atortunut, kikkut sumilu piniarsinnaanerinut/aalisarsinnaanerinut malittarissiornermut, qaqgu suullu atortut atorneqarsinnaanerinut, il.il. Nalunaarsuisartoqatigiit allannguinissamut siunnersuutaat aalajangiisartunut saqqummiunneqas-sapput. Sumiiffinni ataasiakkaani nunaqarfimmi aqtsisut aalajangiiffigisinnasaminni aalajanger-saasinnaapput. Amerlanertigulli nunaqarfimmi aqtsisut siunnersuutaat kommune-mut ingerlateq-qinneqartarput. Kommune nammineq aalajangersaasinnaavoq, amerlanertigulli Namminersorlutik Oqartussanut siunnersuutinik ingerlatitseqqittariaqartarlutik. Eqqaamalluguli nassuaatit pappilissa-mut allamut allanneqarsimmaammata.

### **Angusaniit nassuaataasinnaasunut**

Sumiiffinni nalunaarsukkaniit unammilligassat anginerpaartarivaat, angusassinnut peqqutaasinnaasut suus-suserisinnaasaat, angusasi taakku aallavigalugit, nassaarissagassigit.

Siullermik, pisuussutit uumassusillit allanggoriartorneri, angalaartarfiiit allanngortinneqarnerenik aallaveqar-pata, tamakku peerneqartassapput (allanneqartassanngillat). Tullianillu, takusat nalunaarsukkasi allango-riartorneri pingaaruteqarluinnartutut nalilerussigit, taava peqqutaasorisinnaasasi nassaarissavasi (allassa-vasi).

Sumiiffinni pisuussutit uumassusillit allanggorneri/nikikkiartorneri makkuninnga peqquteqariaannaapput:

- Soorlu silamik peqquteqartumik uumassoqatigiit siusinaartumik imaluunniit kingusinaartumik sumiiffinnut apuunneri.
- Sumiiffik uumasoqatigiinnit soqtiginarnerulersimasoq imaluunniit soqtiginannginnerulersimasoq.
- Uumasoqatigiit annertusisimasut imaluunniit annikillisimasut (taamaattumik sumiiffinni amerlisut/ikilisut).

Piniarniartarfiit- aamma aalisartarfiit uumasoqatigiinnit, nerisassaqarneq peqqutigalugu, soqtigineruler-simagaat imaluunniit soqtiginerujunnaarsimagaat, soorlu.:

- Soorlu nerisassaqarnerulersimappat imaluunniit nerisassakinnerulersimappat, imaluunniit

- Nerisassat atorluarnissaat ajornannignerulersimasoq imaluunniit ajornarnerulersimasoq (soorlu angallattoqarpallaarnera imaluunnit piniariartoqarpallaarnera peqqutigalugu).

Sumiiffinni pisuussutinik uumassusilinnut nerisassaqlualersimanerata imaluunnit nerisassakillisimamanerata nalilerneqarnissaa ajornakusoorsinnaavoq. Amerlanertigut misissueqqinnissaq pisariaqartarpoq, naamman-ngilarmi nalunaarsukkat aallaavigiinnarlugit nalilersuinissaq. Pisuussutit uumassusillit nerisassat malunnartorsuarmik allanngorsimappata misissueqqinnissaq siunnersuutigissavarsi. Puigornaguli, piniakkassinnut aamma aalisakkassinnut qanoq sunniunnerat saqqummiunnissaat.

Ilaatigut sumiiffiit ilaat pisuussutinik uumassusilinnit soqtiginarneruleraangat aamma imaluunniit uuma-soqatigiit annertusisimagaangata, taava uumasut takusartakkat amerlisarput. Ilaatigut aamma uumasut ikilisarput, tassani akornusersuinerit imaluunniit uumasunik pisaqarpallaartarneq peqqutaasinnaapput. Angallattoqarneq aamma piniartut/aalisartut allat ilanngunneqarnissaat toqqarsimagussigit, takusinnaas-savarsi sumiiffimmi angallattoqarnerulersimanera imaluunniit angallattukillisimanera, taamatuttaarli akor-nusersuutit. Angallattoqarnera aamma akornusersuutit ersittumik allanngorsimappata, taava aqutsinermut allannguutaasinnaasunik siunnersuutaasinnaasut oqaloqatigiissutigissavasi.

Sumiiffiit ilaat pisuussutinik uumassusilinnit soqtiginarneruleranik imaluunniit soqtiginannginneruler-neranik peqquteqarsimanngippat, allannguutillu ukiut arlallit nikikkiartuaarpata, taava uumasoqatigiit amerlisimassapput imaluunniit ikilisimassapput. Uumasoqatigiit annertussusiata nalilersornerani eqqaa-maneqassaaq uumasuut ilaat ingerlaartuuusarmata ilaallu ukiisartuullutik.

### **Sumiiffinni aqutsinermut pitsanngorsaataakkajuttartut**

Sumiiffinni ataasiakkaani nalunarsuisartoqatigiit ataatsimiinneranni oqallisigkkajunneqartarpoq, aqutsiner-mut pitsanngorsaataasinnaasut. Aalajangersaapallannaaveersaarlesi isumassarsiat oqallisiglluuaqqaarlugit aalajangiisoqartassaaq. Sumiiffinni aqutsineq pillugu pitsanngorsaasoqassanersoq paasiniarlugu, taava ataani aqutsinermut pitsanngorsaataakkajuttartut atuarisigik. Tamakku arlaat atorneqarsinnaanerpa imaluunniit aqutsinermut pitsanngorsaataasinnaasut allat? Pisuussutit uumassusillit pillugit periarfissat / unammilligassat nunaqarfimmi aqutsisut ataatsimiinneranni qaqtitarisigik. Siunnersuutit, kommune-mut imaluunniit Namminersorlutik Oqartussanut ingerlatinnginnerini, ingerlateqqinnissaannut akueritinneqar-nissaat isumagisiuk.

Piniarfigisartakkasi aalisarfigisartakkasilu nunaqarfimmik qanigisamik atueqatigiiffigigussigik, nunaqarfik qanigisaq atuinermut isumaqatigiissusiorfigineqassaaq. Soorlu sumi piniartarneq aalisartarnerlu aamma sumi eqqissisimatitsineq, piffissaq piniarfiusoq pillugu, pisassiissutit aamma piniutit suut pisuussutinut sorlernut atorneqarsinnaanerat. Pissutsit ilaanni nunaqarfiit/ illoqarfiit aalajangersimasumik immikkut ittumik piniarsinnaanermut- aamma aalisarsinnaanermut

akuersissutaateqartoqartillugu, tamakku nunami killeqarfilsuinermit malitseqarsinnaapput. Taamalluni kikkunnit tamanit ilisimaneqalissaq, nunaqarfiit / illoqarfiit sumi aalisarsinnaatitaaneri, aammalu kikkut sumiiffinni aalajangersakkanut aqutsisuunersut.

Kommune-mi suliniutit soorlu, aalisarneq, uiluinniarneq aamma takornariaqarnerup ineriartornera eqqu-maffigisigik, tamakku suliniutit, piniarfiusuni aalisarfiusunilu pitsanguutinut imaluunniit pissutsinut ajor-seriaataasumik kinguneqannginniassamata. Ilissi nalunaarsukkasi aallaavigalugit, sumiiffiit sorliit, pisuus-sutinut uumassusilinnut pingaaruteqanersut paasisinnaavasi.

Sumiiffinni aqutsinermut siunnersuutaakkajuttartut:

- Pisassanut tunngasunik malittarisassat (kvote)
- Piniagassat suaassusii pillugit killilersuutit
- Piniagassat angissusii/utoqqaassusii pillugit killilersuinerit
- Piniagaaffinnik sivitsuineq imaluunniit sivikilliliineq
- Ullup qanoq ilinerani piniagassat pisarineqarsinnaanerannut malittarisassat
- Assartuutinut tunngasunik malittarisassat
- Piniutit suut atorneqarsinnaanerannut malittarisassat
- Sumi pisaqarsinnaanermut malittarisassat
- Kikkut sumilu angalaarsinnaanerannut malittarisassat
- Kisitseqqiinissamut/ilisimatusarnissamut siunnersuutit
- Tuniniaanermut ussassaarinermullu aamma tunitsiveqarnermut tunngasunik siunnersuutit
- Qulaniittulluunniit tamaasa katiterlugit

## **Immikkortoq 8. Nunaqarfimmi tamanik ataatsimiisitsisarneq pillugu immikkoortoq**

---

Nunaqarfinni tamani pinngortitami pisuussutit pillugit nalunaarsuisartoqatigiit ukiumut ataasiar-lutik, nunaqarfimmi piniartunik, aalisartunik, aallaanianik, pinngortitamik avatangiisinillu soqtigisaqaqatigiinnik ataatsimiisitsisassapput (nunaqarfiiit: piniartut, aalisartut pinngortita-mik avatangiisinillu soqtigisaqaqatigiinnik). Ataatsimeeqatigiinnermi nunaqarfimmiut nunaminni pinngortitamik avatangiisinillu nakkutilliinernit angusarineqartut misissuataarnissaannut periar-fissaqassaaq. Ilutigitillugulu ataatsimeeqatigiinnermi, innuttaasuniit isumassarsianik akissutinillu pissarsinissarsi periarfissaqassaaq, tamakkulu aqutsinikkut iliuuseqarnissanut imaluunniit aqutsi-nikkut siunnersuutinik innuttaasuniit siamasissumik tapsererneqartunik pissarsinissamut aqqutissiuussisinnaavoq.



## **Immikoortoq 9: Paasissutissanik paaqqinninneq**

---

Paasissutissat pigeriikkat nutaallu sanilliunnerat piffimmi nalunaarusiornermi qitiulluinnarput, taamaattumik paasissutissanik paarsineq pingaaruteqarpoq. Qularutigineqassanngilaq paasissutissat suut immersukkallu suut paarineqassanersut taavalu sumiisinneqarnersut kiallu akisussaaffinginerai.

### **1. Paasissutissat nunaqarfimmi pisuussutsit pillugit nalunaarsuisartoqatingiinnit katersukkat, paarisat atorneqartullu**

Ullorsiutit takusanik pisanillu immersukkat ilaasortanik ataasiakkaanik paarineqassapput sapinngisamillu ukiut tallimat tammarnaveersaassallutik. Ukioq iluittoq qaangiukkaangat ullorsiutit nutaat aallartinneqartassapput, atorunnaartullu paariinnarneqassapput. Paasissutissat tunngavissallit pingaarutilillu ataavartumik ataatsimoorussamik eqikkaavittut immersuvissamut nuunneqartassapput.

Inuk akisussaasoq: Ilaasortaq

Paaqqinniffik: Ilaasortap angerlarsimaviani

Eqikkakkamik katersuilluni immersukkat (Qaammatit pingasukkaarlungit ataatsimiittarneersut, Kopiivi kommunimut APNN-mullu ataqatigiissaarisup nassiuttassuai).

Inuk akisussaasoq: Ataqatigiissaarisooq

Paaqqinniffik: nunaqarfiup Allaffiani pinngortitap pisuussutai pillugit siunnersuisooqatigii toqqorsiviani

### **2. Paasissutissat kommunimit paarineqarlutillu atorneqartut**

Eqikkakkamik katersat pillugit immersugaq nunaqarfinni pinngortitami pisuussutit pillugit siunnersuisooqatigiiinneersut.

Inuk akisussaasoq: inuutissarsiornermi siunnersorti

Paaqqinniffik: Kommunip allaffiani inuutissarsiornermi siunnersortip toqqorsiviani

### **3. Paasissutissat Namminersornerullutik Oqartussanit (APNN) paarineqarlutillu atorneqartut**

Eqikkakkamik katersat pillugit immersungaq nunaqarfinni pinngortitami pisuussutit pillugit siunnersuisooqatigiiinneersut. Ullorsiutit alapernaarsukkat pillugit immersorsimasat kopivi.

Inuk akisussasooq: APNN-mi sulianik ingerlatsisut

Paaqqinniffik: APNN-p toqqorsiviani

